



## **Universitätsbibliothek Paderborn**

**Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

§. IV. An immediatè & quo jure Monasterium succedat in bona sui Professi  
viventis.

**urn:nbn:de:hbz:466:1-40013**

## §. IV.

*An immediate, & quo jure Monasterium succedat in bona sui Professi viventis?*

39. **D**ixi Professi viventis, quia si Professus moritur vivo suo Patre, monasterium loco Filij nullatenus succedit postea Patri mortuo, ut enim loco Filij succedat, debet repräsentare filium, hunc mortuum nequit repräsentare, at benè vivum, proinde succedit Professo vivo jure Filij, & rumpit testamentum Patris, si Filius fuit in eo præteritus Lugo. *de jure, & justit.* *Disput. 3. n. 192.*

Dico primò Monasterium non ut hæredem seu jure hæreditario succedere in bona sui Professi (alias Monasterium esset in potestate Monachi sicut Filius est in potestate Patris) sed succedere jure acquisitionis naturalis, & accessoriæ personæ sui Religiosi, hic enim ut habetur *cit. Authent. ingressi; ipso ingressu se, suaque dedicat DEO.* Ratio etiam est ex Lugo *n. 197.* quod fictione juris Monasterium sit eadem persona cum suo Religioso ratione hujus voluntatis in Religionem transfusæ, quæ repräsentat ipsum in omnibus, ergo Monasterium non est hæres Religiosi sui, sed una persona, nisi in casibus in jure expressis, talis habetur in c. in præsentia de probat. Ubi Pater habens duos Fratres & unum Filium, instituit hunc hæredem, ita ut si sue liberis deceperit, devolvatur hære-

ditas ad defuncti Patris Fratres, Filius scilicet Religiosus dedit sua Monasterio, ab hoc repetebatur hæreditas, sed frustra, eo, quod offerendo bona Monasterio non deceperit sine hærede.

40. De bonis quæ Monacho accrescunt post Professionem, an immediata acquirat Monachus, & hoc mediate primum dominium transeat in Monasterium, vel verò immediatè Monasterium fiat eius Dominus, quin prius dominium acquisiverit Monachus non permanenter, sed transeunter, hoc est, ita ut statim, ac à Monacho acquisitum est, transeat ad Monasterium, est valde controversum. Dixi post Professionem, quia habita ante Professionem ex juris dispositione transire ad Monasterium immediatè per quandam consequentiam cum persona Religiosi docet prior conclusio.

Communius Canonistæ stant pro immediata Monasterij successione, quos sequitur Sanch. lib. 7. Moral. c. 12. à n. 36. quia Professus est incapax acquirendi dominij. Secundò si prius acquireret Monachus, hoc invito adire hæreditatem Monasterium carerer hæreditate, ergo non requiritur Monachi consensus, nec dissensus impedit acquisitionem hæreditatis, neque potest juri acquisitione saltem licet cedere, ac condonare per textum legis

legis qui autem ff. qua in fraudem creditorum. Hanc sententiam in foro Ecclesiastico receptam testatur Cardinalis de Lucat. 1. p. 2. de Regular. Discur. 56. num. 3.

Dico secundò probabilius dominium acquiri immediatè à Professo, ita Wadingus de Contractibus Disput. 4. dub. 5. ex communi Legistarum: sciendum enim est ante Justinianum Monachos habuisse dominium, hoc autem nec à Justiniana nec ab Ecclesia tempore ejus statim sublatum suisse, sed permisum saltem quoad hæreditates eis post ingressum obventuras. Ratio autem hujus sententiae est: Monasterium bona à Professo antecedenter possessa acquirit mediante Monachi dominio, ergo etiam acquisita post Professionem. Consequentia probatur, quia per Professionem nullum jus transtulit in Monasterium ad acquirenda, cum nullum habuerit ad hæreditatem ab extraneo sibi postea relictam, ergo acquirit primùm post Professionem, per quam jura tempore Professionis habita, & postea habenda transfert in Monasterium, ergo ante translationem sunt jura penes Monachum.

Ad primùm Adversariorum argumentum. Resp. Esse incapacem dominij stabilis, secus transiuntis statim in Monasterium. Ad secundū eo etiam invito posse adiri hæreditatem à Monasterio communiter docetur; Professus enim in acquisitione terum comparatur nunc servo, nunc filio à jure hic disponente in favorem Monasterij, ergo potest Monasterium eam capere aequiparationem, quæ ipsi est utilior: cum ergo jus attribuat Patri adeundi delatam filio hæreditatem etiam eo invito, leg. final. Cod. de bonis,

qua liberis potest Monasterium hoc uti privilegio.

At si sermo sit de hæreditate paterna; sive per institutionem, sive ab intestato eam etiam non aditam transmittit ad Monasterium per jus suitatis.

Est autem suitas ut definit Wadingus dub. 9. §. 2. jus quoddam competens proximo Patris descendenti, & constituto in ejus potestate tempore mortis, ut ergo quis sit hæres suus, requiritur primò, ut sit descendens. Secundò ut non sit emancipatus: sit autem mancipatio per Professionem, & plerisque locis per conjugium. Tertiò ut sit proximè conjunctus, unde nepos secundum jura nequit esse hæres suus avi, nisi sit Pater mortuus, aut emancipatus. Quartò respectus ad Patrem, unde Mater non habet hæredes suos, quia secundum jus non habet proles in sua potestate. Haec fere omnia desumpta sunt ex Institutionibus de hæredum qualitate.

Porrò jus suitatis facit filium Dominum hæreditatis paternæ, sive ex testamento, sive ab intestato absque omni aditione, vel acceptance hæreditatis Hauold. De jure tract. 6. n. 597. ex L. II. ff. de liberis & postib. Ibi: In suis heredibus: & §. sui Instit. de hæreditibus qua ab intestato deferuntur, dicitur: Sui hæredes sunt etiam ignorantes & L. 14. ff. de suis & legit. hæredit habetur: in suis heredibus aditio non est necessaria quia statim ipso jure hæredes existunt.

Etsi autem filius per Professionem emancipetur, retinet tamen ex speciali privilegio jura suitatis succeditque Patri tanquam hæres suus, cum ergo jura suitatis

tatis transmittat ad Monasterium successio-  
nis capax , sicut transmitteret ad alios  
hæredes immediatos descendentes , sicque  
Monasterium nomine Religiosi adhuc vi-  
ventis Patre præmortuo ea jura acquirere ,  
& præmortuo tali Religioso ante aditam  
ab hoc hæreditatem posse Monasterium  
eam petere : at si Religiosus præmoriatur

ante Patrem , nihil hæreditatis præmor-  
tui transmititur cit. Sanch. c. 12. n. 7. ex  
Gloss. final. in c. unicum causa 18. q. 10.  
ex communi , quia legitima inquit Wa-  
dingus Disput. s. dub. 1. §. 2. non debe-  
tur filio à Patre adhuc vivente L. 1. §. im-  
puberos ff. de collatione bonorum.



## §. V.

*An ususfructus per Professionem Religiosi extinguatur ?  
an Monasterium in fideicommisso excludat acquiratque Em-  
phyteusim profitente Religioso.*

41. **U**susfructus est jus utendi , &  
fruendi rebus alienis salvâ  
rerum substântiâ , ita , leg. 1. ff. de usu-  
fructu est jus personale , seu annexum  
personæ . Quando annexitur personæ  
ficta seu nunquam morituræ , uti si Civi-  
tati , aut Monasterio constituitur , durat  
centum annis leg. 8. ff. de usu , & usu-  
fructus legato .

Fidei commissum est hæreditas ex  
mandato testatoris tertio restituenda ; hæ-  
res sic fideicommissio gravatus vocatur fi-  
deicommissarius , seu fiduciarius sic di-  
ctus à fide , cui confidit testator , ille ter-  
tius vocatur substitutus , seu hæres secun-  
do institutus . Primus autem institutus  
dicitur hæres ; hinc patet quid sint pri-  
ma , quid secundæ tabulae , de quibus fit  
frequens in jure mentio . Primæ enim  
dictæ sunt ab institutione primi hæredis ,  
secundæ vero ab institutione secun-

di , seu à substitutione , quæ vel est con-  
ditionata E. g. Si hæres sine liberis de-  
cesserit , &c. Vel est absoluta , quando  
nulla adjecta conditione hæredi imponi-  
tur , ut hæreditatem totam , aut partem  
transmittat ad Titium .

Emphyteusis est contractus , in quo  
conceditur dominium utile retento direc-  
to sub onere certæ pensionis proprietario  
solvendæ , idque vel in perpetuum vel ad  
tempus longum , seu ad tempus non mi-  
nus decennio . His prænotatis .

Dico primò per Professionem Reli-  
giosi extinguiri usumfructum in Ordine  
successionis incapaci , secùs in capaci .  
Ratio primi quod jus personæ , seu ossibus  
inhærens extinguatur morte usufructua-  
rii per §. finitum Institut. de usufructu .  
Professio autem est mors civilis . Ratio  
secundi est ex communi cum Lugo Di-  
sp. n.